

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**MIŠLJENJE**

**Po zahtjevu privrednog subjekta Delhaize „The Lion“ Nederalnd B.V., Rotterdam,  
Kraljevina Nizozemska o obavezi podnošenja prijave koncentracije**

**Sarajevo  
septembar, 2011. godine**



Broj: 01-26-7-11-2-I/11  
Sarajevo, 29. septembar 2011. godine

Na osnovu člana 25. stav (1) tačka f) Zakona o konkurenciji ("Službeni glasnik BiH" 48/05, 76/07 i 80/09), a po Zahtjevu privrednog subjekta Delhaize „The Lion“ Nederalnd B.V., Martinus Nijhofflaan 2, 2624 ES Delft, Rotterdam, Kraljevina Nizozemska, zastupan po advokatici Nedžidi Salihović, fra Anđela Zvizdovića 1/x, Sarajevo, Bosna i Hercegovina, zaprimljenog od strane Konkurencijskog vijeća dana 20.7.2011. godine, pod brojem 01-26-7-11-I/11, Konkurencijsko vijeće, na 17. (sedamnaestoj) sjednici održanoj dana 29.9.2011. godine, je donijelo

## **MIŠLJENJE**

Privredni subjekt Delhaize „The Lion“ Nederalnd B.V., Martinus Nijhofflaan 2, 2624 ES Delft, Rotterdam, Kraljevina Nizozemska, zastupan po advokatici Nedžidi Salihović, fra Anđela Zvizdovića 1/x, Sarajevo, Bosna i Hercegovina (u daljem tekstu: Podnosilac zahtjeva ili THE LION), podnio je Konkurencijskom vijeću Zahtjev za izdavanje mišljenja (u daljem tekstu: Zahtjev), zaprimljen dana 20.7.2011. godine, pod brojem 01-26-7-11-I/11.

U svom zahtjevu Podnosilac je naveo kako se već prethodno obraćao Konkurencijskom vijeću radi izdavanja stručnog mišljenja i to zahtjevom broj 01-26-7-02-I/11 od dana 10.3.2011. godine, u kojem je iznio činjenično stanje na osnovu kojeg će se izvršiti transakcija između privrednog subjekta Delhaize „The Lion“ Nederalnd B.V., Martinus Nijhofflaan 2, 2624 ES Delft, Rotterdam, Kraljevina Nizozemska i privrednog subjekta „Delta Maxi“ d.o.o. Beograd, Takovska 49., Beograd, Republika Srbija (u daljem tekstu: DELTA MAXI), na osnovu kojeg činjeničnog stanja je Konkurencijsko vijeće izdalo dana 23.3.2011. godine mišljenje broj 01-26-7-02-I-1/11.

U svom zahtjevu od 20.7.2011. godine Podnosilac navodi kako je Ugovor o transakciji između THE LION i DELTA MAXI zaključen dana 2.3.2011. godine, a da je u skladu sa istim Ugovorom, u članu 20.3. predviđena mogućnost da ako je svaka strana saglasna da, u bilo kojem trenutku prije ispunjenja Ugovora društvo THE LION, može nakon pismene obavijesti prenijeti svoja prava i obaveze iz Ugovora bilo kojem društvu THE LION grupe, koje je osnovano u državi članici Europske unije.

Koristeći ugovoreno pravo privredni subjekt THE LION kao prvobitni kupac, prenio je sva svoja prava i obaveze na društvo „Lion Retail Holding S. år.l.“, kao novog kupca,

koji je i osnovan u tu svrhu i registrovan u nadležnom Trgovačkom registru na dan 22.2.2011. godine i koji je isto kao i prvobitni kupac član „Lion grupe“.

Društvo Lion Retail Holding S. à.r.l., registrovano je u Velikom Vojvodstvu Luksemburg (reg. Br. B 159001), sa sjedištem u 6, route d'Olm, 8287 Kehlen, Veliko Vojvodstvo Luksemburg (u daljem tekstu: LRH), čiji je jedini osnivač i član Delhaize Group SA/NV, registrovano u Kaljevini Belgiji (reg. Br. 0402.206.045), sa sjedištem u 53, rue Ossegham, 1080 Molenbeek-Saint-Jean, Kraljevina Belgija, je novoosnovano unutar grupacije Lion group, čime su stečeni uslovi za prenos prava kupovine iz Ugovora o transakciji.

LRH je osnovan krajem februara 2001. godine i kao novoosnovano društvo nema prihoda u prethodnoj godini kako na svjetskom tržištu tako i u Bosni i Hercegovini.

Na osnovu dostavljenih podataka, Konkurencijsko vijeće smatra da promjene koje će se provesti unutar THE LION grupe, nemaju uticaja na obavezu podnošenja prijave koncentracije u smislu Zakona.

Ovo mišljenje je dato isključivo na osnovu podataka iz Zahtjeva, te ukoliko ovi podaci odstupaju od navedenih ovo mišljenje se ne može primijeniti.

**Predsjednik  
dr. Stjepo Pranjić**